

INUIT ATAQATIGIIT

Inatsisartuni



24. juli 2018

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara.

Naalakkersuisunut apeqquut:

- 1. Naalakkersuisut savaateqarnermik inerisaaqqinnissamik siunertalimmik qanoq pilersaaruteqarpat ?**
- 2. Naalakkersuisut savaatiliunnaarnikunit ESU-mut akiitsutoqqanik isumakkeerinninnissamik pilersaaruteqarpat? Rentilluunniit atorunnaarsinnissaannik pilersaaruteqarpat?**
- 3. Savaatillit nutaat savaateqarfimmik pisinerminni savaateqarfiup akiitsorisimasaanik kingornussinnginnissaat pillugu Inatsisartuni oqallisaareerluni EM2016/110 akuerineqarsimasoq atuutilereerpa?**
- 4. Savaateqarfinni aqquserniortoqarnissaanik Naalakkersuisut pilersaaruteqarpat?**
- 5. Naalakkersuisut nunalerinermik/savaateqarnermik tamakkiisumik inuussutissarsiutillit qamutinut assakaasulinnut sakkuinut (traktor-it gravmaskiinat, assigisaallut), aqqusernemi angallannermi akitsuummumut atorunnaarsitsinissamik pilersaaruteqarpat?**
- 6. Ukiut tamaasa ukiunerani ATV-t aamma traktorit atunngisimaarfigineqarnerinni atuisuniit vægtafgift-imut sipaarniarlutik normuplade-iisa peerneqartarnerat, ukiullu tamaasa nutaamik atugaaleqqinnerisa nalaani normuplade-leqqinneqartarnerinut atatillugu Naalakkersuisut nunaqarfinni ATV-nut aqqusernemi angallannermi akitsuuteqartitiserinermi atorunnarsitsinissamik, allatulluunniit iluseqalersitsinissamik pilersaaruteqarpat?**
- 7. Savaateqarneq pillugu Naalakkersuisut allanik paasissutissaateqarpat?**

(Inatsisartuni ilaasortaq Stine Egede, Inuit Ataqatigiit)

Tunngavilersuut:

1980-ikkut aallartisimalernerani annertuumik aqquserniornikkut, narsaatiliornernillu inerisaasoqarsimanerata kingorna annertunerusumik - takussaasumik inerisaasoqaqqinngilaq. Savaatilittullu inuussutissarsiuteqartut ikiligaluttuinnarput.

Akiitsutoqqat akilerneqanngisaanartussatut isikkunikkiartuinnartut savaatilinnorniarusukkaluanut ilaatigut "ersisaarutaapajaaginernalernikuupput". Savaatiliunnaarnikut inuunermi sinnerani akiitsunik nammatassinneqarsimasarput akilinngisaannagassaminnik.

Nammineq pilersornerulerusukkutta neqitigut naatitaatitigullu, aqquserngit - ajornangippat illoqarfinnut atassusikkat pilersikkiartortariaqarpavut, taamaalilluta aamma savaateqarnermik imaluunniit naatitaateqarnermik tapertaqarlutik ingerlatsisut assartuinikkut aningaasartuutikinnerussammata.

Aqquserngit savaateqarfinni asfalteerigaanngillat, ukiukkullu nivanneqassanatik, taamaattumik piffinni pineqartuni illoqarfiit assigalugit akitsuummik akiliisinneqartarneq naleqqussorinangilaq. Vægtafgiftimut sipaarniarlutik upernaakkut normulerlugit, ukiakkullu normui peerlugit. Savaatilik arlariinnik traktoreqaruni 4-hjuleqarluni, biileqarlunilu ukiumut aningaasartuutit tusindterparujussuarnik aningaasartuuteqassaaq ukioq naallugu normupladet atatiinnarneqartassappata..

ATV-it ullutsinni nunaqaqarfinni annertuumik atugaajartuaarput, pingaartumi savaateqarfinni. Allaffissornermik annertuumik pilersitsipput, upernaakkut atorsinnaaleraangata normulerneqartaramik, ukiakkullu apigaangat, angallataasinnaajunnaaraangatalu normuiarneqartaramik. Normukualu atoqqissinnaasarani.

Apeqqutitta ullut suliffiusut qulit qaangiutsinnagit akineqarnissaat kissaatigaarput.